

臺灣文獻叢刊第六八種

清一統志臺灣府

弁言

清朝的一統志，先後勅撰三次。第一次成於乾隆八年（一七四三），凡三百四十二卷；第二次成於乾隆四十年（一七七五），凡四百二十四卷，連子卷共五百卷；第三次成於道光二十二年（一八四二），凡五百六十卷。因爲第三次的纂輯始於嘉慶十六年，而所增輯的事實也止於嘉慶二十五年（一八二〇），所以定名爲嘉慶重修一統志。我們就從這部最後纂輯和較爲詳細的嘉慶重修一統志裏抄出臺灣府的部分，而名之曰「清一統志臺灣府」，列爲臺灣文獻叢刊之一。

清一統志中關於臺灣府的記載只有二萬多字，不足一冊的分量，所以又從顧炎武著天下郡國利病書裏轉錄了一些有關澎湖和泉、漳二府的資料作爲附錄，以充篇幅。這些資料的內容，雖然全是講的明代後期的事實，但我們藉此可以明瞭明季閩海的情況和澎湖在當時海防上的重要性；對於臺灣史的研究還是很有幫助的。（百吉）

清一統志臺灣府目錄

分野	(一)
建置沿革	(一)
形勢	(三)
風俗	(三)
城池	(三)
學校	(五)
戶口	(六)
田賦	(六)
山川	(七)
古蹟	(七)
關隘	(八)
津梁	(九)
隄堰	(九)
陵墓(明)	(十)

祠廟……………(三)

寺觀……………(三)

名宦(本朝)……………(三)

人物(本朝)……………(六)

流寓(明)……………(四)

流寓(本朝)……………(四)

列女(本朝)……………(四)

仙釋……………(四)

土產……………(四)

番民……………(五)

附錄

沈鈇上南撫臺既巡海公祖請建澎湖城堡置將屯兵永為重鎮書……………(四)

崇禎十二年三月給事中傅元初請開洋禁疏……………(五)

泉州府新志摘錄……………(五)

漳州府志摘錄……………(六)

清一統志臺灣府

臺灣府在福建省治東南五百四十里外，又水程一十一更。四面皆海。東西距除澎湖及水程四更外，廣一百里；南北距二千八百四十五里。東至大山番界五十里，西至澎湖島五十里，南至沙馬磯頭海五百三十里，北至鷄籠城海二千三百五十里。自府治至京師七千餘里。

分野

天文牽牛須女分野，星紀之次。

建置沿革

自古荒服之地，不通中國，名曰東番。隋開皇中，遣虎賁陳稜略澎湖三十六島。明嘉靖四十二年，海寇林道乾掠近海郡縣，都督俞大猷征之，追至澎湖；道乾遁入臺灣。天啓元年，閩人顏思齊引日本國人據其地；久之，爲紅毛荷蘭夷人所奪。

本朝順治十八年，海寇鄭成功逐荷蘭夷據之，僞置承天府，名曰東都；設二縣，曰天興、萬年。其子鄭經（按府志，鄭經一名錦）改東都曰東寧省，升二縣爲州。康熙二

十二年討平之，改置臺灣府，屬福建省，領縣三。雍正元年，增置彰化縣，領縣四。

臺灣縣：附郭。東西距除澎湖及水程四更外，廣五十里；南北距五十里。東至大山番界四十五里，西至鹿耳門海五里，南至鳳山縣界十里，北至嘉義縣界四十里。本東番地，本朝順治十八年，鄭成功偽置天興、萬年二縣，屬承天府。其子鄭經升二縣爲州。康熙二十三年，廢二州，改置臺灣縣爲府治。乾隆五十三年，平定臺灣逆匪，欽頒御製紀事文三篇，並御製碑文，勒碑府城，垂示久遠。

鳳山縣：在府南八十里。東西距五十五里，南北距二百七十五里。東至淡水溪大山番界二十五里，西至海三十里，南至沙馬磯頭海二百三十里，北至臺灣縣界四十五里。本東番地，本朝順治十八年，鄭成功據之，屬萬年州。康熙二十三年，分置鳳山縣，屬臺灣府。

嘉義縣：在府北一百七十里。東西距五十一里。南北距二百五里。東至大山番界二十一里，西至海三十里，南至臺灣縣界七十七里，北至彰化縣界一百二十八里。本東番地，本朝順治十八年，鄭成功據之，尋屬天興州。康熙二十三年，分置諸羅縣，屬臺灣府。乾隆五十二年，以賊匪林爽文攻擾，時城內義民同官兵守禦無虞，賜縣名嘉義。

彰化縣：在府北三百九十七里。東西距四十里，南北距七百七十里。東至大山番界二十里，西至鹿仔港海二十里，南至嘉義縣治二百八十里，北至鷄籠城海六百八里。本

東番地，本朝順治十八年，鄭成功據之，尋屬天興州。康熙二十三年，屬諸羅縣。雍正元年，分諸羅縣北半線地置彰化縣，屬臺灣府。

形勢

屹峙海中，延袤二千餘里，爲東南屏障（臺郡聞見錄）。四面環海，崇山峻嶺，橫截其中（臺郡圖志）。背負崇岡，襟帶列島，浪嶠南屏，鷄籠北衛（舊志）。澎湖爲門戶，鹿耳爲咽喉（鳳山縣志）。七鯤身毗連環護，三茅港滙聚澄泓（客問）。

風俗

禾麻蔽野，廬舍依然；畜牧之饒，無異中土（臺郡聞見錄）。節候稍晚，夏乃澍雨，人始耕種，歲一收穫，豐盈常足（同上）。地無木棉，兼民不知蠶，布帛多資於中土（同上）。尊敬長老，孤獨廢疾之人，則鄉社人共餽之（同上）。民非土著，皆泉、漳、潮、惠之人，故習尙與內地無甚異（臺灣縣志）。俗尙華侈（同上），喜鬪輕生（嘉義縣志）。晚稻豐稔，資贍內地，所以戶鮮蓋藏（臺海使槎錄）。

城池

臺灣府城：本朝雍正三年，建柵城，周十一里三百三十四步，門七。乾隆元年，易七門以石，雉堞釘鐵皮，樓護女牆。五十三年，改築土城，周二千五百二十丈，高一丈八尺；以西面濱海，按舊基收進一百五十餘丈。臺灣縣附郭。城東門樓上，舊祀關帝。乾隆五十三年，臺匪林爽文等滋事，官軍渡海，咸覩神像，尋卽蔽功；七月，奉旨重修，御書扁額曰「神威翊應」。

鳳山縣城：在興隆莊龜山之麓。本朝康熙六十年，建土城，圍以刺竹，周四里一百八十步，門四，有濠。乾隆五十三年，移建竹城於埤頭，而於此地建龜山石卡，駐兵防守。嘉慶十二年，仍還舊治，改築石城，周八百丈，高一丈八尺，建立礮臺，門四，有樓。

嘉義縣城：本朝康熙四十三年，建柵城。雍正元年，土築，周四里一百五十步，門四，濠廣三丈。五年，建城門樓。十二年，於土城外環植刺竹。乾隆六十年重建，周七百四十四丈有奇，高一丈八尺。

彰化縣城：本朝雍正十二年，環植刺竹，周四里一百十八步，門四。嘉慶十六年，甃以甃石，周一千二十八丈，高一丈八尺，並於城之四面及八卦山頂添設礮臺五座。

澎湖廳城：在臺灣縣西澎湖大山嶼西澳。本朝康熙五十六年建。

淡水廳城：在彰化縣北竹塹。本朝雍正十一年，環植刺竹，周二里一百六十步，門

四，有樓。

噶瑪蘭城：在淡水廳所轄三貂溪東五圍。本朝嘉慶十六年，栽九芎樹爲城，東西南北相距各一百八十丈，周五百四十丈，門四，有樓。

學校

臺灣府學：在府治西南。本朝康熙二十四年建，五十一年修。乾隆十四年重建。入學額數，閩籍二十一名，粵籍九名。

臺灣縣學：在縣治東東安坊。本朝康熙二十三年建，四十二年修。雍正十二年、乾隆十四年重修。入學額數十三名。

鳳山縣學：在縣治北門外。本朝康熙二十三年建，五十八年修。雍正七年、乾隆二年、十七年重修。入學額數十三名。

嘉義縣學：在縣治西門外，舊在西門內。本朝康熙四十五年建，乾隆十八年移建今所。入學額數十三名。

彰化縣學：在縣治東北。本朝雍正四年建，乾隆十七年修，二十四年重修。入學額數十三名。

淡水廳學：在廳城東門內。本朝嘉慶二十三年建。入學額數六名。

海東書院：在府治西南，舊在府學西。本朝康熙五十九年建，乾隆三十年移建今所。

崇文書院：在府城內東安坊。本朝康熙四十三年建，乾隆二十四年重建。

南湖書院：在府城南。本朝乾隆三十年建。

玉峯書院：在嘉義縣西門內舊學宮址。本朝乾隆二十四年建。

白沙書院：在彰化縣學宮右。本朝乾隆十年建，二十四年修。

明志書院：在淡水廳城北興直莊。本朝乾隆二十八年建。

戶口

原額人丁一萬八千八百二十七，今滋生男婦大小共一百七十八萬六千八百八十三名口，計二十二萬四千六百四十六戶。

田賦

田園四萬七千三百四十五甲八分有奇，又二千二十九頃八十八畝有奇，共額徵粟一十八萬八千四百八十四石二斗七合一勺。續報升課田園六百一十二甲一分三釐有奇，額徵銀三百八十三兩九錢二分二釐。人丁餉稅，額徵銀一萬三千六百五十三兩八釐。

山川

大目降山：在臺灣縣東五十里，土番所居。通志：山下有大目降溪，蜿蜒而下，過平坂，隸於番。其南曰柳仔林山，列阜如屏，延亘數里；其西北爲馬鞍山，自木岡西遞衆山，重疊不一，馬鞍其盡處也。按輿圖，臺灣之東有大岡山，當卽木岡及大目降山，字音訛異耳。又通志：自大目降山，歷保大里東、保大里西，至新豐、永豐二里；又南抵崇德里，相距百里，其山崔嵬險阻，人迹不到，從無名號；以此知大岡山蓋大山之統名也。

香洋仔山：在臺灣縣東南。通志：山在湖仔內山南，崕嶺絡繹，擁起平疇。

角帶圍山：在臺灣縣東南二十六里。通志：在香洋仔山南，下有深坑仔紅毛寮溪，過此曰岡山溪，爲鳳山縣界。按舊志，小香洋山東爲深坑仔，又西南爲大香洋，溪流逶迤，山水幽勝，卽指此山也。

猪母耳山：在臺灣縣東南五十八里。通志：下有鯽魚潭、許寬溪、咬狗溪、石頭坑，又有遙接其南者曰湖仔內山。

大岡山：在臺灣縣南八十餘里。山頂險峻，上有巨岡，可望不可登。近鳳山縣之嘉祥里，亦曰江山，又曰礪山。其東南爲小岡山，近鳳山縣之長治里。新志：大岡在北，

小岡在南，兩山相對峙；凡至臺，舟過澎湖東吉澳，即見此山，與臺灣猴洞諸山相界處也。以輿圖考之，臺灣有兩大岡山：一在臺灣東稍北，當即舊志大脚山，與新志大目降山也；一在縣南，又南曰小岡山，與鳳山縣接界。

木岡山：在臺灣縣東北三十三里，與嘉義縣相接，巍峩特聳，其頂常戴雲霧，天氣清明，始見山形，其峯上與天齊。通志：臺灣之山，此最高大，爲一府諸山之祖，亦縣治之主山也。北至蔦松溪，則爲嘉義縣界。山之南有番仔湖山，拔地而起，與木岡山勢相聯屬。按輿圖，臺郡北自鷄籠山，南至沙馬磯頭，二千餘里，東偏負山，西面臨海，其山蜿蜒不斷，總名大山，亦總呼爲木岡山。

阿猴林山：在鳳山縣東，林木茂密，漸入番界。

赤山：在鳳山縣東十里。上有湯池。舊志：去府一百四十里。通志：陂陁平行，時有火出其上。由此而南，悉屬番社。又鳳彈山東北一山，土色純赤，亦曰赤山。

觀音山：在鳳山縣東南十五里。舊志：有水西流，入小岡山水。通志：在阿猴林西北，起伏盤曲，中峯屹立，若菩薩端坐，衆小峯拱峙於側，故名。又七星山，聯絡觀音山之北，七峯皆戴石如星。

傀儡山：在鳳山縣東南六十里，土番所居，呼爲「加嘮」。通志：在縣治東，沖霄

聳起，常帶雲霧。舟行至澎湖，天氣晴霽，卽見此山。重岡複岫，皆人跡所不到。總呼爲傀儡山。野番出沒於此。其分支爲北葉山，自是而南爲蜈蚣嶺。其左爲琅嶠山，又南而直抵於波濤中者爲沙馬磯。自磯廻轉而東，有兩峯並峙，高出天表，爲綱卒山、老佛山。由二山絡繹而北，纍纍不絕，又有朝華離山、大柴高山、霄馬于山、大烏萬山，皆背立傀儡山之後，俯臨海中。

毘南謐山：在鳳山縣東南二百二十里，亦曰卑南覓山。舊志：山連延高峻，上多松杉，人跡不至。夜望之，有光如火。又金山，在縣東境外多羅滿港內，相傳產金。又大女覓山，有芋葉大如屋，土番珍之。

沙馬磯頭山：在鳳山縣東南二百三十里海濱。其南有仙人棋盤石，亦曰仙人山。舊志：山形如城，下可泊舟；水退時，有礁狀如馬。通志：呂宋船往來，皆以此爲指南。鳳山：在鳳山縣南三十里，形若飛鳳，縣以此得名。舊志：上多巨石，嶽崎玲瓏。通志：旁有二小峯如翅。又東北有數小峯如卵，曰鳳彈山；西南山岡曰鳳鼻山，邑治之對山也。

狗仔山：在鳳山縣西南七里濱海，亦曰打鼓山，俗呼爲打狗山。舊志：北去府治百里，下爲打狗仔港，冬產青魚。通志：山特峙海濱，舊有番人居之。明嘉靖間，流寇林道乾爲俞大猷所逐，遁入於此；後從海道逃入占城，其遺種尙有存者。今水師營壘尙在

。由此山蜿蜒而下，勢若長蛇，爲蛇山，在邑治右。又旗後山，在打鼓山西南臨海上，爲漁人採捕處。其參差隔海，列於打鼓左右者，西有石佛，石佛北有石塔，南有涼繖礁，皆屹立海中；舟人經此，必鳴金焚紙，以祭海神。

七鯤身山：在鳳山縣西北。通志：自打鼓山穿田過港，逶迤六十餘里，平地中結爲七峯，如鯤魚鼓浪。其山無石，皆沙土，上多雜木，蒼翠可觀。

半屏山：在鳳山縣北七里。通志：自臺灣縣大小岡山迤邐而南，近附於縣治者，爲半屏山，形如畫屏，故名。蓮花潭直過其下，懸巖陡立，又呼爲半崩山。又縣左有龜山，近接半屏山，中多喬木，繁陰密蔭，望之蔚然深秀。又潔底山，在半屏山西北，平原中一邱浮出，其頂寬平，上有小竅出水，若無底然。

滾水山：在鳳山縣東北。舊志：在岡山南二十餘里，下有湯泉，廣五十餘畝，泉源沸突，微有硫氣；流瀦爲潭，周數十里，有山環障，中起三洲，古木森列。居民決水灌田，饒沃數千頃。通志：有大小滾水二山，相距十里許，上有濁泥水滾出。

火山：在嘉義縣東二十五里玉山山東稍南。通志：山多石，石隙泉湧，常有火出水中。

大武巒山：在嘉義縣東南。通志：由彰化縣大遼山，南奔七百餘里，山脈停駐，挺爲是山，特立圓秀可愛，縣治之主山也。又牛朝山，在縣西北十里。通志：由大武巒迤

遷而西二十餘里，橫岡如帶，近貼縣治之背，復自右旋左，尾一小山，逆列水口，爲邑治鎖鑰。按天武巒卽諸羅山。舊志：山在縣東，地最肥饒，縣治其麓，多熊豕獐鹿，縣之得名以此。

玉山：在嘉義縣東南大武巒山之後。色白如銀，北與彰化縣之水沙連內山接。通志：三峯並立，高出羣山，爲大武巒後障，終歲雲封其頂，惟冬日晴明可見，頃刻烟霧復合矣。

多侶居山：在嘉義縣東南。舊志：在天興州東北百餘里，山極高峻，盛夏雪消，流成瀑布。

阿里山：在嘉義縣東南。通志：山極遼濶，內有八社；又東南爲大龜佛山，同爲邑治左肩；又東爲肚武管山，爲番米基山。

馬稠山：在嘉義縣東南二十里。通志：自半月嶺而南，又西轉爲關仔嶺，山徑仄如天險，下有漢人耕種其中；相近有糞箕湖山。又小龜佛山在糞箕湖西南，下有古樹高數丈，相傳有神附焉，居民皆徙數里外。東南爲赤山，土色皆赤。按此與舊志龜佛山異；舊志謂山東臨中港者，今爲彰化縣山。

玉案山：在嘉義縣東南三十里。通志：山自東而折於南，居邑左臂，爲學宮對山，舊名玉枕。又嵌頭山在玉案山東北，其西南爲筆架山。又有翁上天山，如老翁扶杖欲行

狀。又西爲半月嶺。

大武壠山：在嘉義縣東南六十里。通志：山繞玉案山後，與學宮遙對。又西北爲五步練山，峭險不容足。相並爲消離山，其支峯聯絡於南爲鹿馱山、東西烟山、虎頭山、內茄拔山、琅包山，下有曠埔，漢人多耕種其中。

南馬仙山：在嘉義縣南。通志：山勢騰空卓立。其南爲烏山，西南爲芋匏山、羅漢門山、猴洞山，山有大石洞，洞外舊屬臺灣縣，雍正三年，割東南界至羅漢門歸諸羅縣，以分水嶺爲界。

大福興山：在嘉義縣東北。通志：一名大目根山，與覆釜金山同爲縣治右肩。又東爲枋仔岸山、鹿楮山、打利山、鹿仔埔山，則爲邑右之外輔。

葉仔林山：在嘉義縣東北七十里。通志：與大武壠山相接，自東旋北，居嘉義縣右畔。稍北爲鼎蓋梁山，爲梅仔坑山，又北爲尖山、子山，又北爲奇冷岸山，又北爲彰化縣界。

寮望山：在彰化縣，其麓舊爲半線營，今爲縣治。通志：山北爲貓羅社，東南爲貓羅山。按舊志有打貓山，在嘉義縣東北百餘里，多巨木鳥獸，當卽貓羅山也。

半線山：在彰化縣東。舊志：在廢半線司東，美田疇，利畜牧，產樟栗可造舟楫；明末海寇林道乾竄此。

大武郡山：在彰化縣東四十里。通志：去大雞籠七百餘里，在虎尾溪之北。山之西南，有大武郡社，社東爲南投山；有社二：溪南曰南投社，溪北曰北投社。又有阿拔泉山、竹腳寮山，內有林藪埔，漢人耕種其中。上有九十九尖峯，玉筍排簇天際，下爲大吼山、栲栳山。又東北爲水沙連內山，南與嘉義縣之玉山相接。又西隔一溪，爲撲仔籬山。

牛相觸山：在彰化縣東南六十五里。通志：南北兩峯，如牛奮角相觸，中隔小溪。溪南爲嘉義縣斗六門界，溪北爲縣之大武郡山界。

倒旗山：在彰化縣北。通志：山形如旗。由宛裏山而北，漸逼於海，小峯錯落，與倒旗相連者爲礁笔叭山。

岸裏山：在彰化縣北。通志：山深險，其東北卽南日山、猫孟山。

大肚山：在彰化縣北。舊志：在廢半線司北。山形圓聳，下有大肚溪。通志：與寮望山對峙。山後爲猫霧社，其北爲沙轆山、鐵砧山、宛裏山。

南嵌山：在彰化縣北南嵌社，東爲太平山、猫裏山、椰裏歷山、交眉山。

南山：在彰化縣北竹塹社之南。通志：相近爲小鳳山，與眩眩山形勢相屬，下爲竹塹埔，漢人耕種其中。東爲祐武乃山，極高大，與合歡大山障蔽南日諸山之後，遙接干豆門諸社及查內山。按府志，干豆門作關渡門。